

COMUNICÂT STAMPE

FINANZIÂT DE ARLEF E REALIZÂT DI ERT E AIB

BRIE DI CONTE, DON DI LENGHE SI INVIE IL CORS PAR LETÔRS VOLONTARIS DI FURLAN

La presentazion doman a Udin cun Zanon e Somaglino

Udin, ai 24 di Setembar - Al è daûr a partî, dentri dal progjet "Nassûts par lei", il cors di formazion par letôrs voluntaris in lenghe furlane "Brie di conte, don di lenghe".

Il cors al è finanziât de ARLeF, Agenzie regionâl pe lenghe furlane, e realizât dal ERT FVG e de sezion dal Friûl Vignesie Julie de AIB, Associazion taliane bibliotechis, in colaborazion cui Sistemis Bibliotecaris dal Hinterland di Udin e dal Friûl di Mieç, dai Comuns di Codroip e di Tavagnà e de Rêt regionâl Bibliotechis "Nassûts par Lei" (NPL).

"Brie di conte, don di lenghe" si indrece a ducj chei che a àn gust di dedicâsi ae leture a vôs alte in marilenghe pai fruts di 0 a 6 agns, ma al è viert ancje ae partecipazion dai bibliotecaris, dai insegnants e dai gjenitôrs.

L'obietîf principâl dal progjet, ae sô prime edizion, al è chel di formâ i letôrs voluntaris, ma ancje i bibliotecaris e i insegnants di furlan, par che a organizin leturis par furlan pai fruts che no àn ancjemò tacade la scuele.

Il cors al dure sîs oris e al previôt trê incuintris setemanâi dulà che si lavorarà su lis motivazions, su la impostazion de vôs e su lis leturis. Tal incuintri finâl di trê oris, invece, si lavorarà su la part plui "pratiche" preparant leturis e filastrocjis. I letôrs, di fat, a parteciparan ae setemane NPL 2013 (la tierce setemane di Novembar). I docents a son Monica Aguzzi, atore e educatore, e Giorgio Cozzutti, pianist, compositôr, docent di musiche, diretôr de "Scuola di Musica città di Codroipo".

Par partecipâ al cors, che al è a gratis, baste notâsi li dal ERT dentri dai 10 di Otubar compilant il modul di pueste (di discjariâ dal sît www.ertfvg.it, te sezion teatroscuola).

Il modul si pues mandâ par email ae direzion info@teatroescuola.it, o par fax al numar 0432/204882. Si podarà iscrivisi ancje in ocasion de presentazion che si tignarà doman, ai 25 di Setembar, aes 16.30 tal Museu etnografic, ae presince dal president de ARLeF, Lorenzo Zanon e dal atôr Massimo Somaglino.

Chestis lis datis dal cors: ai 14-21-28 di Otubar des 18.00 aes 20.00
ai 9 di Novembar des 9.00 aes 12.00 (tot. 4 incuintris) tal Comun di Tavagnà, te ex sale consiliâr in place Indipendence 1 a Felet. Info: 0432 572854 o biblioteca@comune.tavagnacco.ud.it.

Ai 18-25 di Otubar e ai 8 di Novembar, des 20.30 aes 22.30; ai 16 di Novembar, des 9.00 aes 12.00 (tot. 4 incuintris) te Biblioteche civiche di Codroip. Info: 0432 908198 o biblioteca@comune.codroipo.ud.it